



REPUBLIKA E SHQIPËRISË  
**AUTORITETI I KONKURENCËS**  
**KOMISIONI I KONKURENCËS**

**VENDIM**

**Nr. 590, Datë 31.01.2019**

“Mbi autorizimin e përqendrimit të realizuar nëpërmjet përfitim të kontrollit të shoqërisë Magneti Marelli S.p.A. nga shoqëria CK Holdings Co.,LTD.”

Komisioni i Konkurrencës me pjesëmarrjen e:

Znj. Juliana LATIFI	Kryetar
Z. Eduard YPI	Zv/Kryetar
Znj. Leida MATJA	Anëtar
Znj. Adriana BERBERI	Anëtar
Z. Helidon BUSHATI	Anëtar

Në mbledhjen e tij të datës 31.01.2019, shqyrtoi çështjen me:

**Objekti:** Autorizimi i përqendrimit të realizuar nëpërmjet përfitim të kontrollit të shoqërisë Magneti Marelli S.p.A. nga shoqëria CK Holdings Co., LTD.

**Baza Ligjore:** Nenet 2, 10-12, neni 24, germa d, dhe nenet 53-64 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar. Rregullorja “Për zbatimin e procedurave të përqendrimit të ndërmarrjeve”, Udhëzimi “Për formën e njoftimit të përqendrimit” dhe formulari i njoftimit të përqendrimit”.

**Komisioni i Konkurrencës**, pas shqyrtimit të relacionit të Sekretarit të Përgjithshëm si dhe raportit të Drejtorisë së Analizës dhe Metodologjisë së Tregjeve, mbi njoftimin e përqendrimit të realizuar nëpërmjet përfitim të kontrollit të shoqërisë Magneti Marelli S.p.A. nga shoqëria CK Holdings Co., LTD;

**VËREN SE :**

**Procedura dhe Transaksioni**

Autoriteti i Konkurrencës është njoftuar në lidhje me nënshkrimin e dokumentit “Marrëveshje për blerjen e aksioneve”, Projekti Gamma, ndërmjet shoqërisë CK Holdings Co.,LTD dhe Fiat Chrysler Automobiles N.V, Magneti Marelli S.p.A.

Blerësi: CK Holdings Co.,LTD, shoqëri e organizuar sipas ligjeve të Japonisë, e cila ka për objekt menaxhimin e kompanive që angazhohen duke mbajtur aksionet tyre në

bizneset e prodhimit dhe shkëmbimit të ngrohjes, prodhimit dhe shitjes së komponentëve dhe furnizimeve për automobila, prodhimit dhe shitjes së pjesëve të automobilave që grumbullojnë makineritë, etj. CK Holdings është shoqëria holding e Calsonic Kansei Corporation (“Calsonic Kansei”).

CK Holdings zotërohet nga fondet e investimeve që menaxhohen nga filialet e KKR e cila është një shoqëri globale investimesh. KKR, nëpërmjet disa shoqërive të kontrolluara prej saj, ka gjeneruar të ardhura në Shqipëri për vitin 2017. Të ardhurat janë realizuar në tregje të ndryshme nga tregu në të cilin shoqëria Targeti është aktiv.

*Shitësi:* Fiat Chrysler Automobiles N.V është një shoqëri publike holandeze, me përgjegjësi të kufizuar, e cila ka në zotërim të gjitha aksionet e Magneti Marelli S.p.A. Shoqëria vepron si projektues, prodhues, shpërndarës dhe shitës i automjeteve, pjesëve dhe sistemeve të prodhimit.

*Shoqëria target:* Magneti Marelli S.p.A. është një shoqëri e themeluar sipas ligjeve të Italisë, dhe objekti i shoqërisë është ushtrimi direkt apo indirekt nëpërmjet shoqërisë ose enteve pjesëmarrëse në aktivitete projektuese, prodhues dhe tregtar në sektorët e industrisë mekanike, elektromekanike, elektronike, kimike, të tërheqjes dhe të shtytjes dhe në veçanti të prodhimit dhe tregtimit të komponentëve, detajeve, pjesëve të këmbimit dhe aplikimit për industrinë e automobilave, aksesorët dhe produktet për automjeteve etj.

Magneti Marelli S.p.A. nuk zotëron dege apo filial në Shqipëri por realizon shitje nëpërmjet klientëve të saj.

Referuar marrëveshjes mes palëve dhe pasqyrave financiare të vitit 2017, transaksioni plotëson kriteret e përcaktuara në nenet 10 dhe 12 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar duke u bërë objekt shqyrtimi dhe vlerësimi nga Autoriteti i Konkurrencës.

### **Vlerësimi i përqendrimit**

Në zbatim të nenit 3, pika 7, të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar, Udhëzimit Nr.76, datë 07.04.2008 “Për përcaktimin e tregut përkatës”, si dhe duke marrë në konsideratë natyrën e transaksionit, u konsiderua që tregu përkatës i produktit të lihet i hapur dhe tregu përkatës gjeografik të jetë territori i Republikës së Shqipërisë.

Transaksioni i njoftuar ndodh në tregun ndërkombëtar dhe palët në transaksion nuk zotërojnë ndonjë filial apo degë në territorin e Shqipërisë. Magneti Marelli është aktiv vetëm në furnizimin me shumicë të pjesëve të këmbimit për automjetet e lehta dhe shoqëria blerëse CK Holdings CO., Ltd. nuk është aktive dhe nuk realizon xhiro në Shqipëri.

Si konkluzion ky përqendrim nuk shfaq shenja të kufizimit të konkurrencës në treg ose në një pjesë të tij në veçanti, si rezultat i krijimit ose forcimit të pozitës dominuese.

### **PËR KËTO ARSYE:**

Komisioni i Konkurrencës, në bazë të nenit 24, shkronja d dhe nenit 56 pika 1 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar,

**VENDOSI:**

1. Të autorizojë përqendrimin e realizuar nëpërmjet përfutimit të kontrollit të shoqërisë Magneti Marelli S.p.A. nga shoqëria CK Holdings Co.,LTD.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

**KOMISIONI I KONKURRENCËS**